

so vindest 4<sup>o</sup> grad/welche 4<sup>o</sup> grad so duß im lymbo B c zeel  
 lest/so leg das linial auff das ende der zal vnd auff das zent-  
 rum a vnd mach ein gemerck in dem kreysß des widers vñ  
 der wag/ Tit anderst auch zeel in dem kreysß b c die erhebung  
 des krebs auff die erstenn stund nemlich 62 grad 20 minuten  
 vnd mach daselbs ein gemerck auff dem kreysß b c vñnd füg  
 diese zwey gemerck zusammen mit einer geraden linia/so hastu  
 die ersten stund nach mittag vnd der 11 vor mittag/ vñnd  
 die weil die sonn in den mitternächtlichen zeichen laufft/so  
 thü im eben wie yetz gesagt ist/von wegen der andern dritten  
 vierdt/fünfft vñ sechsten stund. Aber vñ der sybenden stund  
 wegen so zeel 8 grad im lymbo vñ zewch vom selben achteten  
 grad ein kradelinia byß in den fünfften grad des stiers/ so  
 hastu die linia der sybenden stund.

Y  
 .1.  
 09  
 I  
 2  
 3  
 4  
 5  
 6

.7. stund

So aber die sonn in den mittäglichen zeichen laufft/ soltu  
 die linias der stunden also einschreiben/zeel des Steinbocks  
 mittägliche hoch/das ist 18 grad 10 minut. in dem kreysß b c  
 vnd vom selben ort zeüch ein gerad linia in das gemerck der  
 12 stund in der linia des widers vnd der wag/vñ das ist dan  
 die linia der zwelften stund für die mittäglichen zeichen  
 Als da ist die Wag/Scorpio/Schütz/Steinbock/Wasser  
 man vñnd die Nisch. Aber für die ersten stund nachmittag  
 so zeel in oftgemeltem lymbo die mittächliche höhe des stein-  
 bocks auff dieselben stund/so vindest 17 grad/vñnd das end  
 derselben zal merck/vom welcher du byß in das gemerck der  
 ersten stund in kreysß des Widers ein kradelinia ziehenn solt  
 das ist dann die linia der ersten stund wenn die sonn die mit-  
 täglichen zeichen durch laufft/vnd also thü im auch von we-  
 gen der andern stund. Aber die linia der fünffte stund mach  
 also/zeüch von dem kreysß des widers von der fünften stund  
 ein kradelinia byß in den fünfften grad des Scorpions/  
 so hastu die linia der fünften stund.

8  
 .12.

mittägliche  
 zeichen

I  
 2  
 3  
 4

.5.

So der quadrant mit seinen linien gemacht ist/mach ein  
 kleyn löchlin durch das centrum a vnd zeüch ein schnyerlin  
 oder ein fedemlein dardurch/daran ein perlin hainge/vñnd

J. ij